

**Nioqqutissanik eqqussuineq avammullu annissuineq pillugit Inatsisartut inatsisaata  
allangortinneqarneranik Inatsisartut inatsisissaattut siunnersuut**  
*Aningaasaqarnermut Naalakkersuisoq*

**pillugu**

**Akilerartarnermut Akitsuusiisarnermullu Ataatsimiititaliap**

**ISUMALIUTISSIISSUTAA**

**Siunnersuutip aappassaaneerreqarnissaanut saqqummiussaq**

Suliarinninnermi ataatsimiititaliaq ukuninnga inuttaqarpoq:

Inatsisartunut ilaasortaq Niels Thomsen, Demokratit, siulittaasoq  
Inatsisartunut ilaasortaq Harald Bianco, Inuit Ataqtigiit, siulittaasup tullia  
Inatsisartunut ilaasortaq Hans Aronsen, Inuit Ataqtigiit  
Inatsisartunut ilaasortaq Karl Lyberth, Siumut  
Inatsisartunut ilaasortaq Aleqa Hammond, Siumut

Siunnersuutip UPA/2011-imi marsip 8-ani siullermeerneqarluni suliarineqarnerata kingorna siunnersuut ataatsimiititaliap misissorpaa.

**Siunnersuutip imarisaa siunertaalu**

Siunnersuutip kingunerissasaa tunisassiorfiit, imaani uuliasiorfiit aamma sanaartukkat allat, matumani ilanngullugit ruujorit tamakkunungalu sanaartukkat attuumassutillit, umiarsuit kiisalu atortut allat, imaatigut killeqarfiup iluani kiisalu Kalaallit Nunaata toqqaviata iluani aatsitassanik misissueqqaarnermut, misissuineranut paaanermulluunniit atorneqartut, nioqqutissanik akitsuuteqanngitsunik taquassarsisinneqarsinnaanerata pillugu maleruagassanik Naalakkersuisut aalajangersaasinnaanermut piginnaatinneqassasut.

Siunnersuutip kingunerissavaa umiarsuit timmisartullu nunat allat umiarsualiviannukarlutik timmisartoqarfiannukarlutilluunniit aallartussat, nioqqutissanik akitsuuteqanngitsunik taquassarsisinneqarsinnaanerata pillugu maleruagassat maanna atuuttut, uuliasiorfiit il.il. akitsuusigassat avataaniittunik nioqqutissanik akitsuuteqanngitsunik taquassarsisinneqarsinnaanerannik ilaneqarnerat.

Nioqqutissat nunami allami umiarsualivimmiit imaani uuliasiorfinnut il.il. toqqaannartumik pilersuutigineqartut ullumikkut akitsuuteqartinneqanngillat nioqqutissat taakku akitsuuteqartitsiviup iluanut eqqussaangimmata. Nioqqutissat akitsuuteqartitsiviup iluanut eqqunneqarsimappata akitsuuserneqartussaataasunut ilaapput taakkualu eqqussinermut akitsuutaat akilerneqartarput akilerneqartussanngortinneqartarlutilluunniit. Nioqqutissat eqqussinermut akitsuusigassaangitsut, imaani uuliasiorfinnut il.il. akitsuuteqartitsiviup avataani nunattali imartaata imaluunniit Kalaallit Nunaata toqqaviani inissisimasunut pilersuutigineqartut eqqussinermut akitsuutaat Nunatsinni namminersortunit maleruagassat atuuttut malillugit utertinneqarsinnaanngillat.

Nunatsinni suliffeqarfiit pilersuiffinnut nunani allaneersunut unammillersinnaanerulernissaat anguniarlugu imaani uuliasiorfinnut il.il. akitsuuteqartitsiviup avataani, nunattali imartaani Nunattalu toqqaveqarfiani inissisimasunut taquassanik akitsuuteqanngitsunik pilersuisinnaataaerermut maleruagassat aamma Nunatsinni suliffeqarfinnut atuutilersillugit annertusitinnissaat siunnersuummi tunaartarineqarpoq.

#### **Siunnersuutip Inatsisartuni siullermeerneqarnera**

Inatsisartut siunnersuummik siullermeerinninneranni siunnersuut annertuumik tapersorsorneqarpoq.

#### **Ataatsimiititaliap siunnersuummik suliarinninnera**

Tunisassiorfinnut il.il. Nunatta killeqarfiata iluani, akitsuuteqartitsiviulli avataani inissisimasunut nioqqutissanik pilersuisunut nunani allaneersunut Nunatsinni namminersortut pilersuinermi unammillernissamat periarfissinnissaat ataatsimiititaliap pitsaasutut isigaa.


#### **Siunnersuutip aningaasatigut kingunissai**


Siunnersuutip pisortanut namminersortunullu isertitassatigut taasarialimmik kinguneqarnissaa naatsorsutigineqanngitsoq oqaaseqaatini allassimasoq ataatsimiititaliap maluginiarppaa.


#### **Ataatsimiititaliap inassuteqaatai**


Tamanna tunngavigalugu siunnersuutip akuersissutigineqarnissaa **ataatsimiititaliap tamarmiusup inassutigaa.**


Taamatut oqaaseqarluni nassuiaammilu allassimasunut paasinnilluni ataatsimiititaliap siunnersuut aappassaaniigassanngortippaa.

  
\_\_\_\_\_  
Niels Thomsen, Siulittaasoq

  
\_\_\_\_\_  
Harald Bianco

  
\_\_\_\_\_  
Hans Aronsen

  
\_\_\_\_\_  
Karl Lyberth

  
\_\_\_\_\_  
Aleqa Hammond